

童山詩集

童山詩集卷四十二

綿州李調元雨村

辛酉

入日視綿州刺史劉慕陔先生五十初度四首

共道黃堂屈壽觴人逢日煦偏長面從微服行時熱
公每微行心在蒲鞭試處嘗除暴如看鷹逐雀釋冤似
匪徒歛跡聽虎駝羊壽詞最戒浮華諄預擬新詩領衆庠

去年烽火逼綿城正值金山立大營築堞能容千戶住
舊繡無城君捐修千金甫及一月工竣民皆移避城內賊爲短氣人呼爲劉公城渡船先救萬
人生賊臨涪江難民男女無數隔岸號哭大憲怒內藏
邪匪不許渡君毅然任之自駕船渡一日而畢活

人者萬試觀今日崇墉狀不減當年磊落名杜詩綿州州府何磊落

賢守何心分彼此笑他新舊苦相爭時金山民彼君移舊州新州人不肯

俱赴上試

曾憶成都避寇餘步趨曾子豈非歟誰知賊去涪江後

又遇仇來縱火初四月初三日賊涪州而通遠等甚多

犬棄家心太忍蚍蜉撼樹計終疎可憐萬卷成灰燼猶

枉賢侯訪敝廬公聞報火曾有萬卷樓海內聞名一旦被焚實深痛惜之語旋即赴宅親驗

我在上陵趙甌北廿年書信隔天涯忽思愚老因親寄

也道循良故里謗甌北於公為姑丈去年九月初六日曾有書從公處見寄亦有褒貶頗有

循良之人不問言真孝弟天生強健為邦家明朝准提

譽語

公庭謁筋骨惟愁禮數加

余以老病六年未謁公始得晤彼此暢談竟日

初春至蓮池書院見櫻桃始花二首

一花含蜜氣滿院盡蜂聲我在香中坐人如羶處行來
唧雖少鳥聽轉已招鶯佇看收成日珠盤萬顆盛
剗啄何人叩看花客到聲蝶因香不去蜂爲釀先行自
愧題門鳳先邀出谷鶯他年歸紫禁御苑定看盛

彰明周明府

起子

見和梅蓮二詩仍用前韻答之

路隔昌明一水分循聲早聽說紛紛久思來坐周敦月
周濂溪初名敦後避諱改惇頤同訪曾藏李白雲鴻字投時心實獲魚
箋詩就語超羣囊中錦句如傾贈所見當期過所聞

月上爲余方外友蓬門每爲聽琴開畧諳吟詠頻頻寄
顛怪求書得得來何日褰帷宿蕭寺終宵覓句遶花臺
玉蘭開道昌城盛可許他時乞種杞

劉慕陔州尊遣吏送趙雲松前輩書時萬卷樓焚
雲松不知也因作詩寄知亦當爲我一哭也

不恨同心各一天只嗟書札也茫然粵東宦跡同鴻爪
川北民膏濺鵲拳趙括父書偏不讀劉宏吏紙屢郵傳
是灾是火俱休問作答忙封附去船

過梓潼宮贈三秀長老

路轉山門別有天回頭隔竹見平川千家雲集魚鱗起

兩岸烟村雉堞連宮在塔水場西時爲民碌碌何年臥
仙石清流到處盡神泉偶然問得汀公信聞往淩雲尙
未旋

送門生顏東屏赴鄉試卽用原韻

鵬有垂雲心鵲有背風智由來燕雀羣安知鴻鵠志顏
子本英才青雲可立致奈何屢蹭蹬仍守黃卷嗜經已
五六儲賢兼大小識今年屆鄉科取之定如寄文章老
波瀾淵源况有目譬如鸞龍儔必在風雲厠又如神駒
偶必與鴛鴦葉今日桂枝拔他時瓊林侍嗟余老善忘
書愧讀中秘才盡江淹筆腹嘲邊韶筭每觀舉子文目

瞪口難示倘使偕入闈墨水飲必至顧念及吾門惟汝
最出類不有金鍼度何處繡巧思勉哉赴戰場陣須與
人異落筆掃千軍方奪錦標賜欲使考官驚肯顧造物
忌從茲穎脫囊趁此及鋒試大抵文人唾盡是鯁人淚
以之求出售聲價遍南暨送君上前程看君振飛轡休
羨冉曉山隔年同得意

附原作

廩生 顏明典 東屏

天地生我心不能開我智父母生我身不能長我志
惟師教弟子期望乃倍致嗟余本魯鈍於學頗解嗜
其奈迷途遠昏昏未早識洪維我夫子文獻於此寄

何緣生南村興型有所自親炙詣門牆洙泗得濫廁
自意構櫟材應爲大匠棄竊幸高厚恩臯比許我侍
憐我詩無律指我詩中秘慮予文字荒免我勸書筭
循循然善誘何啻周行示譬彼日月明有容光必至
又如春風溫吹噓徧萬類大海見汪洋忽闢胸中思
五岳瞻泰岱頓令眼界異竭今食膠庠罔非師所賜
所恨運途艱似有造物忌四舉入秋闈偏難利一試
默記慰藉言感激轅生淚今年秋風早槐黃倏又暨
願竭鴛鴦力再策太行轡天桂幸高拔好慰先生意

重臺蓮

移栽西沼已三春秋盡纔開未及旬萼比同床分上下
花非並蒂孰陳親有身易可占貞字無子詩終賦碩人
却怪穠妝搖落易每逢風雨代愁聲

牽牛花二首

素紗誰剪浸藍缸未染猶餘寸縷長豈爲鵲橋遺翠黛
却疑獺髓變紅妝雖拋綠蔓如牽線畢竟朱繩不服箱
世上兒郎多薄幸相思有淚漫沾裳

花鈿朵朵來何處千里良緣一線長愛向露霄貪早起
羞看日色歛晨妝染蠶誰道無多巧織錦懸知定滿箱
我到秋來常怯冷臨風欲借七襄裳

輓楊孺人

聞道仙山卧玉真，蒼頭老監黯傷神。
擁輪門外朝朝盛，種玉田中箇箇珍。
愁斷頭皮偕小隱，吟成淚句當長呻。
詩文自愧非潘岳，難寫珠簾月下人。

寄墨莊弟并序

墨莊由檢討改中書後，心平氣和，無向時拔劍張弓之態。其論古亦多折衷，前賢奉使琉球，自書大門帖對聯云：「立定腳根從吾所好，放開眼界與物無爭。」然余以爲從吾所好則未知所好，是否也？與物無爭則未知所爭之當否也？所

好是如仁義禮智此可好也否則放僻邪侈流
連荒淫亦可好乎所爭當如忠孝廉節所必爭
也否則權奸誤國傷風敗俗亦無爭乎余作一
詩寄之云

立定腳根須擇步放開眼界看施爲人間多少當行事
做出來時始見奇

和趙雲崧觀察見寄感賦四律原韻

江南來遠使甌北寄長箋接到新詩日逢國故里年
始從成室多薪木毀家少肯堂賢危坐方酬和千愁集

目前

萬卷成灰滅重樓亦燼餘今生無力購來世再儲書聞
火君當賀遺金我自疎
乞師終不出無路

學包胥

屢向州尊乞追
火賊尙未弋獲

我已才甘退君何譽不虞自忘名赫赫廼反羨區區袁

蔣同分鼎

諸子才
心餘

王朱若合符

指阮亭
竹垞

自慚非大國獨

霸亦良圖

寄我名山業

君以新纂陳餘叢考
廿二史劄記見寄

遙知歲月侵封時付

春觴到日已秋砧文字千秋事才名一樣公拙編容乞

序定不讓題襟

附

原任貴西道

趙

翼雲崧
陽湖

不見李生久今朝接寸箋來原經萬里到已歷三年
想像鬚眉老傳聞子弟賢京華舊遊跡接觸一燈前
天各一方遠年皆七秋餘料無重見日但望再來書
豪氣應猶在交情故未疎採詩偏我厚百首累抄胥
此書前歲發蜀土尙無虞豈意魚鳧國今成豺虎區
可能扶老杖當作辟兵符莫是將軍號眞教展壯圖
得信知君在其如寇禍侵遙知驚夜火不敢響秋砧
契濶同年面迢遙兩地心憂時兼憶友不覺涕沾襟
戊戌年余視學粵東聞人以趙雲崧觀察子名帖
求見並以甌北集爲贄余見之留飯贈三十金而

去昨接雲崧書言其時子尚幼並未入粵乃假名
干謁也不覺大笑作詩見寄余亦爲捧腹依韻答
之

人生萬事盡傳奇尤是官場不易知頭角居然高我子
言談殊不肖君兒贈金小事原無惜款飯殊恩悔莫追
未接手書終不解怪無一字謝微資

附再村詩中謂督學廣東時余子以拙到贊陽厚贖
而去僕初未有子入粵也蓋他人假名干謁耳書
笑以

趙翼

一紙書來事大奇老夫被販不曾知是誰甘謂他人
父顧我從無外舍兒表丈不妨聊暫借見唐摭言故

人且免去窮迫

見紫石林玉潤
襍書楊衡事

只慚畫餅名何用未

足供渠干謁資

和廉使董觀橋

教增

兄寄辛酉蜀閣和方伯楊荔

幾

揆

貢院卽事詩韻

今年秋日殊不佳登高欲賦雲峯靈忽傳廉使有詩至
風簷展讀持當階公由鼎甲署蜀臬隨方人比張乖崖
顧肯念及林下老險韻妥帖全篇皆自言今年蜀閣啓
方伯監臨魁斗牌多士如雲號舍窄添棚斫盡江干柴
推其愛才如命意不許一士塵中埋興來貢院唱新句
出示明眼先磨楮和成壓例衆元白到日火已冬取槐

讀之百遍手不釋盤鐘相應音無乖嗟予曾謬忝文柄
竊幸處處生騷騷才無大小皆可造但恐襄事非其儔
今君酬咏皆賢哲譬如絲管聲以哇惜乎未見誠齋句
想定莘莘兼嗜嗜會憶去年避烽火移居錦官城西涯
藩宣官署蒙許謁欵愜仰見騷人懷投我荆關倡和集
忘衰幾欲角兩蝸此公韋臯堪繼武有如魏絳聲和諧
試思今日旬宜輩才兼文武誰能偕有如胡公設湖學
經義治事俱名齋君才又復與之亢兩美何異同心欽
遙知佳話徧錦里石笋珠樓傳滿街爭抄定貴薛濤紙
馬軍走雙丁鞋自慚平生不好武書囊一負拋韞韞

至今驥老全無用，甘同鶩駘供長槽。
羨君半百神益銳，筆力可使南山排赤幘。
曲蓋檐帷過當道，一掃無狼豺。
他時劍閣泐銘日，撰碑定不殊平淮。
東底夔關西底嶓，長江無阻流湑湑。
賤子如健，能握筆頌詞，幸勿嗤井蛙。

附

和荔裳同年貢院自事
韻錄奉雨村前輩大人

四川按察使

董教增

觀橋江寧

春秋佳日古所佳，每苦雨濕兼雲霾。
愁霖八月迺特甚，修檐豐溜侵堂階。
蜀城此日正秋賦，士多麋集紛無厓。
東西列號數近萬，檐簷躡蹠所見皆。
苦憶少年困塲屋，貫魚序進隨名牌。
破甑收拾堪作家，枯腸搜索真如柴。
自慚科第等筭濫，竊恐奇傑終塵埋。
棘闈

分校會一至模糊老眼頻拭揩驚心往事久怵惕十
年踏爛長安槐自從乘傳來轡道水壺玉鑑計已乖
簿書纏繞才力薄鞭策不進同疲駟去年捧檄襄盛
典所喜卽事聯朋儕開門五夜更漏靜清唌不輟聲
咿哇今年鎖院又重啓隔牆鐘鼓聞啾啾重闔上牡
限內外咫尺如在天一涯情知歲月如電掣結習自
繞平生懷舊題滿壁今在否誰拂蝕蘚兼延蝸新篇
忽有馬軍送調協金石宮商諧滄浪詩思清自喜徂
徠輕義古莫偕一堂共事盡風雅得唱先有揚誠齋
烹茶晝見日翻蟹剪燭宵看蟲綴釵中秋夜半忽聞

齊水輪碾出凌天街文燄上衝氣拂斗奎宿下照形
如鞋翼將翰墨壓兵氣便投六甲拋箭鞞解鞍放馬
易短服持鎌刈稻連長稽人事十年會反覆岩疆千
里須安排乖厓治蜀此齊魯何有赤子爲狼豺蓄兵
益餉今幾歲水飛陸走連海涯功成不日行速速思
比濃露流漑漑諸生合有中和藥不須鼓吹號寒蛙
學使陳雪香希曾任滿以書來繼至綿見訪久候
不至乃知從水路回京未得一送悵然久之

本擬左綿車馬駐誰知又駕下江船
篋惟書畫光衝月囊絕珍珠誓對天
白見稚兒回簡後累他園僕掃門前

三年飲水真無愧學使從來少並肩

辛酉蜀閬綿竹原任戶部南籠太守唐堯春樂字
六子張縣七子張扶同榜獲傳長子張友雖失解
猶中副榜第三子來謁喜而有贈

西蜀文章戶部公諸郎箇箇有家風科名幸我言而中
堯春七子皆賢而扶文有奇氣然書稱次余以爲
不利小考而利大場首先中者必此人也今果然館選
推君窮者工君伯仲皆能詩而祿可望館選三鳳齊鳴尾雖後二龍同
躍首騰空讀書種子今真見累月咎兒愧乃翁

九月初八日遣四子朝堯完婚於成都公館於十
三日自杜廣文耐菴岳家宅起身十七日迎歸鄉

州南村本宅三日出見舅姑喜而有作

壯載鄉居歲月寬古稀婚嫁債初完人憐筋力難爲禮
我愛談心各盡歡喜婦今朝請食性抱孫何日許親看
倘能謝煥生靈運何必家聲減謝安

喜六壻陳國光

機林

自保寧至

烽火連天起君從底處來巴雲何日淨

巴州方山僧有賦數萬

聞

暮發時開信自贏人得身從虎口回臨門驚見而疑是

夢中猜

送陳國光壻至梓潼讀書

送汝年方少憐余日漸羸偶然言一別不覺淚雙垂親

老名須早君恩報莫遲潼江時有鴈寄字慰相思

送金堂明經何竹友椿齡偕七子分道上京赴試
七子者竹友與綿竹副貢唐張友拔貢張瑤孝廉
張祿張扶漢州孝廉張懷洵懷渭也張友先由水
路至寧鄉看親北上洵渭從之張瑤張祿張扶由陸
路至長安看親北上竹友從之俱於十一月十七
日起程不及分送因寄長句別之

去年庚申遊錦城從飲七人皆青衿今年辛酉屆選舉
四人孝廉三明經高師自出強弟子名將從來無弱兵
當時肉眼不識我方謂所領皆狂生豈知科發舊家第

魚龍變化真容易自歎子無孫仲謀無父國中翻有二
七人白眉誰爲首就中青眼何竹友生平自愧在盧前
獨於懷渭恥王後九月二日秋榜開報馬過盡無一來
自知下第怒已息忽聞渠中聲如雷天竟何如命至此
倒床大叫呼不起從此不踏銅絲街懷渭所居一月閉門洞
礪裏竹友所居今聞連騎赴朝堂德星又聚吾家庄只嗟不
見唐張友四雁一隻飛寧鄉

贈彰明孝廉蔡冷園履庸

入門有客氣如虹驚倒童山一老翁文擲金聲誥探綽
語罪玉屑勝王戎名聞百里雷先震詩和三更月正中

曾館醒園思令弟不然雲翼起雙鴻

令弟履中曾從余學

贈孝廉余韻崗人鳳

室邇人遐僅隔村今朝何幸在蓬門朽才何敢居先輩

失教偏慚少後昆明眼房官吾故友

謂張薊園前步官令與余交最厚

頭山長汝師尊

謂錦江掌教姜松坪同年君從學甚小

綿州本是文風地從

此溟魚看化鯢

童山詩集卷四十二

綿州李調元雨村

主成

戴心齋遣人送玉蘭一本發視之乃木筆也詩以

戲之

中書老秃恨難中長憶香膚伴睡翁準擬今宵橫玉體
誰知又過筆頭公

題王旭菴畫菴儒而釋者

不學巨然畫毫端頗得之能於倒垂石寫出老枯枝君
已入蓮社吾方倚菊籬敢言陶靖節只愛酒盈卮

讀南籠遺稿有感太守唐堯春

故人已死不能見今讀遺詩如復生黃葉半江推獨唱

公有黃葉半江湖之句爲人傳誦青燈一卷憶同檠校與俗客如憎鬼

心愛知交輒喚卿却羨君家書帶草老纔將子託康成

贈雙流彭翁元英

矍鑠翁誰是無如我老彭面紅霞一色鬚白雪千莖家
學傳孫武長生似廣成潞公如再遇定許會耆英

二月十二日門人陶華春邀予同溫漢臺唐鹿園

何菊友遊小天竺得詩四首

心旆常思北肩輿却向南名雖小天竺地實大伽藍

挂吳公劍碑高蜀武擔清明期漸近我亦欲回影

三年吾尚在復見老門生卧病憐初起聞遊勇欲行詩

猶摧勁敵書似擁專城甲子無人記惟呼石作兄小天下

邊有石甚奇漢臺亟賞之

前歲風流歇惟餘一鹿園開唇蘭乍笑一笑紫翻唇楊誠齋蘭花詩也

鹿園唇素放戲之兄而棣偏初賦笛漸非馬呼盧每憶袁川哀

事時鹿園有眼那堪同菊友重看李花繁

吾師原自浙又遇浙中人忽聽鄉音好如同總角親菜

花黃不斷楊柳綠初勻不是與儂促談花擬至申

附

唐張瑤鹿園

萬里橋邊路行行直向南山光明擬翠水色暗拖藍

芳榼誰先挈

是日遊人已先至其地者

名花欲論擔

其地司啓時花爲業

先生擇其佳者購數種歸錦城春侶海莫漫理歸驂

南臺寺

同溫漢臺遊

一自南臺火道碑不復存茶毘僧幾箇哭兀佛三尊

寺燒

日惟三尊佛未壞見壁間熊中丞學鵬刻石詩

竹徑隔高岸桃園深閉門更無

人接引惱殺漢臺溫

偕潘汾峯

時形

再遊小天竺二絕並示東菴

草長城南鶯又啼出門數步雨淒淒賣花人去無花賣

辜負潘郎兩腳泥

乃翁脚疾未全愈聞我來看喜欲顛但恐東坡肉生喫
呼兒午膳且遲還

成都學正王儀亭喜用水烟壺詩以戲之

自從烟草來中國截竹成筒任吸呼大抵皆將銅貯火
邇來更以水爲壺趨炎世態今皆是喜冷人情古所無
獨有儀亭清到底終朝噓盡置門孟

三月初四日清明華陽高君若愚同溫漢臺邀張
桐軒李延亭潘東菴蕭恒齋及余與杜耐菴出東
門踏青遂登白塔寺至薛濤井并謁其墓墓人蕪
沒華陽徐明府始爲剪除觀歎久之晚高君置酒

於真武宮即席得詩十首

城復于隍看出巡

是日都人攜賊隍行像避街謂之出巡

東門渡口盡進

人蜀中又見高常侍領袖諸君到水濱

翠藉車輪綠藉蹄寺過白塔客初齊莫言春老吾猶老

脚到樓梯不上梯

紅粉年年上塚多女兒能唱小兒歌不知風土因何變
今歲焚錢盡阿婆

不見薛箋惟見井琅玕萬個綠陰陰何人刻竹留題滿
我欲編詩入

名上從來出濟南桐軒一語更奇談美人不見空留水

得飲寒泉心也甘

才人萬古總黃泉我歎原由乏暫眠不識東菴有何惜
竟思哭倒拜墳前

肩擔欄子手携瓶東郭墻間共踏青多謝耐菴分半盃
自提雙鯉挂僧櫺

蕭君酒敵萬夫雄自說前身是郭公怪道席間能揖戰
奪稍真似尉遲恭

詩人弟子李先生

李延平從成都張明府受業

玉屑霏霏出語清長

李如今真老矣應推知李占時名

薛墳拋在麥田中闢草全憑刺史功生與高駢緣不斷

如今醉酒又高公

玉蘭花歌贈鍾二水

老年看花仍似蝶到處名園盡遊獵錦城二月花市開
欲買玉蘭如買妾妾容在色不在香此花獨冠衆芬芳
濃露一枝零漢掌素粧千朵壓唐昌城東城西都尋徧
天竺一株驚乍見賤售纔得千錢餘華歸贏得萬人羨
尤物從來必並肩如何獨見藐姑仙宮妃縱看霓裳舞
神女難邀環珮招我有門生鍾二水家住綿江萬花裏
誰知託覓才一言早見移來成兩美從此後庭花更多
瑤臺片片下瑤娥只嗟老人真老矣奈此雙雙玉樹何

贈新都曹明府應穀并序

一過新都聞曹令應穀嘉善人爲余癸未同年秋
漁焜之子焜初選新都令後陞邛州署嘉定獲
一罪得釋擢部卽陞知府卒父子皆新都亦異事
也

縣非世職偏如襲兩代同官事亦奇人道狂仍不可及
我聞清亦畏人知甘棠合喚吾家樹喬梓爭看爾俯枝
倘乃翁存定相戲不如君尙有佳兒

哭原任臨安太守房師王夢樓先生二首

丹徒忽下兩行淚計自新都坐上聞房考暗中逢直講

宋梅堯臣為小試官得蘇軾判賞諭以示公
欲冠多士疑門人曾子固所為乃黃第二梅時官直講
都官余癸未忝居第二門生時亦喚將軍榜下人以杜
而公亦官侍講故云
武稚子總能文嘲予與視正塘公以曾經滄海文尤潤
已卯大同年故畧分言情間亦相稱
愛寫蘭亭筆不羣兜率天高何處去向南遙莫預除肇
公晚年
皈佛

去年甌北達長箋為道吾師健似仙旋寄鴻書詢絳帳
詐知馬鬣隔黃泉四家選已傳通蜀
廣漢張懷津曾選
哀收遺翼及師與
余為四家選集盛百韻詩猶憶去滇
公赴臨安曾作
行蜀中未知見否
百韻詩送行
從
此笙歌停女樂後堂終不到彭宣
問公有女樂在南
歸後故未得見

出門行 訪唐張友作

今年三月春風惡紛紛滿地桐花落坐令經旬不出門
輕裘脫盡仍重著朝來束裝離南村黑雲壓山天爲昏
明知欲雨行李戒載途乃見朝日瞰老人負暄兼負酒
醺醺醉向綿城走借問綿城欲訪誰吾之小友唐張友
聞奔母喪寧鄉遣到門剝啄久乃傳麻衣遠挾我眉雪
面色猶帶瀟湘烟爲言貢舉何曾貢去年副車真誤中
原思鵬翮學扶搏其奈鷁飛又退送以此感嘆世途乖
更於時事何所諧不因親尙堂前殮竟欲踏破各山鞋
酒闌燭炮語未畢更出先烹熟鴨一三更別去五更回
歸家已屢第二日

有客孫光宇言其叔文煥貴州糧道籍沒事有感

二首

傲凶謙吉不須論自古貪淫總禍根
馮諼空煩營鬼窟王嫡多枉嫁烏孫
錢因性吝愁全貸金爲奴欺悔辱吞
用漢孫秀事及巨萬貲財成底用生還難買入家門

記昔爲余入幕賓監司我亦難中身
誰知棘木乘危日來索楊枝未遣人
對酒曾將壺打缺刊詩不許姓鐫珉
只思金穴千年固象齒今朝竟殞身

送侄朝磐歲考

楊柳枝枝綠正勻和烟和雨送行人
倘逢彈指聲相應

便整衣冠拜柳神

校職雖官不是官
一毡曾笑鄭虔寒
不如高步青天上
先立雲中俛衆看

再和補廩

青錢萬選揀來勻
揀出居然第一人
讀萬卷書今日破
看吾子弟筆如神

科第羣尊翰苑官
年來門戶漸單寒
朝陽三鳳吾家事
汝輩從新學我看

和二水送花騷體韻

最難養兮女子與小人
最難防兮孀婦與僮僕
古人所

戒分遠在朝今人所患兮近在屋既難以其醜道兮又
難為其事暴是以借名於俳優之遺心兮與夫花草之
娛目誰知君之愛我兮饒以玉蘭此我自售之玉蘭兮
送家尤速適我在錦城兮見書欣然遂即歸南村兮開
我翠壁離滅獲之遠賜兮萬里而遙幸魚貫之宮人兮
七日來復對花而思君子之人之好兮亦何異乎窈窕
之女之淑

書冢二首

和唐子范韻

不使墳埋骨偏教冢葬書焚如秦政虐莊似陸渾居人
火同宜榭藜燃異石渠不如竟燒我惜我待何如

雲絳樓成燼天紅瓦剩坯半生經手寫一日遂心灰獺
祭從何檢龍扛漫漫才讀書無種子一任化飛埃

附原作

綿竹舉人唐張祿子范

一炬三旬滅孤墳萬卷書古今雖異代生死亦同居
地下多金匱人間少石渠劫灰緣底事天意竟何如
誰道書無炬千魂嘯一坯長恩呼不應脉望盡成灰
貧士無從借席奴亦妬才自應歸福地未必在塵埃
和

東生朝啓漸鴻

兩世簪纓繼三朝秘閣書賊來家未毀翁去室誰居
竟似秦焦土徒悲漢石渠可憐如汲冢難掘恨何如

惜不藏三本唐柳仲郢有書萬卷藏必三本唯餘土一垓有同泥積
庫無術緇還灰東哲校書手張華博物才可憐盡科
斗蠕蠕化飛埃

和

增生朝墉金門

此日一堆瓦前年萬卷書可憐半生積不共百年居
星火思天祿幽燐哭石渠六丁天取去三酉敢何如
也似楚人炬應名焦土垓聖賢同一哭仙骨功成灰
能窘面墻客難窮腹笥才老人休歎息函海未烟埃
和唐子范初夏再至南村韻

老來手不草雲烟仗子揮毫若使天漫學唐衢悲未第

肯同王衍不言錢兒多逃學心難束翁久荒經腹欠便
莫厭門牆新矢弟攀留準擬過今年

陰天 效白樂天體

坐立俱非是心知倦欲眠但尋牀有被不顧榻無毡鼻
息如雷醒書聲似雨懸不因痰嗽起誰解是陰天白樂天詩氣嗽因寒發風痰欲雨生病身無所用惟解卜陰晴

夏初偕唐子范及磐壩二姪同遊因園分韻得同
字

因園全種柳到處綠陰同荷露原非雨松濤不爲風亭
危愁瓦墮橋斷借筇通翠鳥知貧主啣魚上樹東

附園字

唐張祿

昨夜市成約今朝已到園門中全是水池外半皆垣
舊閣船侵岸新房石滿軒倚闌同點筆佳趣各忘言

附遊字

朝磐

弟子書聲息先生約小遊三家麥酒熟四月樹陰稠
魚喜跳深沼鳩鳴隔小樓名園誠足樂季子得知不

附園字

朝壩

智者何爲樂游魚盡在園戲看蓮葉動躍覺荷絲牽
地澗能藏鶴天高欲戾鷺納涼無過此把盞意欣然

和趙雲松有感流賊原韻

噬齊胡不急先圖坐使朝廷緩受俘總爲官兵皆愛

命翻驚賊子慣亡軀九重望斷粘毛馬羽書八百里萬

里飛看攬肉烏名將豈真無上策老夫還想學陰符

滿目時艱念不平剪除旋見孽芽萌笑談頗負蕭曹畧

詩賦空懷屈宋情見說楚師常夜遁頻聞秦棧尙難行

地荒莫道無人種田在余心未廢耕

附原作

趙翼國北

萑苻何意蔓難圖初起潢池不易俘賊不殺官猶畏
法兵無戰將孰招驅帥行共指臂中鶴寇去方追慕
上烏歷歷前朝陳迹在是誰專閫握軍符

百年安堵享昇平誰肯輕生孽亂萌死有餘辜合更
害鋌而走險小人情彈丸黑子皆紛起繩伎紅娘亦
橫行好片桑麻繁庶地烽烟千里廢春耕

五月五日贈劉童子榮貴

喜見茱蘭第一支語言非亢亦非卑觴蒲節屆無作客
餽黍鄰偏有好兒使我名傳惟筆墨要童身貴是書詩
一齊相授須勤記家有明師更問誰

懷唐子范

留君總爲怕分離曾許回轅竟失期未免大才終小用
敢嫌去速轉來遲桓靈貞譽楊公則季孟交情李壽之

不是古稀身已老願稱弟子奉爲師

昔漢朱穆年五十
本書趙康稱弟子

余近七十歲云

答墨莊弟二首并序

墨莊自琉球國復命稱旨旋陞宗人府主事

屢有書來怪兄久不作答詩以寄之

便鱗非我懶手戰不能書萬卷一焚後三年百事疎吾
衰知甚矣若況竟何如倘有書航海攜歸慎秘儲

聞自琉球轉依然宦橐空八旬兼有母兩鬢又成翁半
世江湖外全家館舍中長安居不易頻望寄飛鴻

辛酉年四月於屋後鑿池種荷放紅鱗數尾經歲

不見疑其失矣今年六月初六日用三合土塢岸
工甫成而大雨如注忽見紅鱗浮出塢上視之卽
去年所放也殆爲灰水所浸而始出歟抑如有德
之人隱居不出遭世多故不得已而出歟老人獨
居無侶得此不啻如故友之相逢也因作詩記之
蛟龍得雨信非虛初放曾將歲月書只道已隨風浪去
誰知又見隔年魚

膽瓶蓮花

斗大何人膽蓮花插斗中瓶將磁貯水杯更碧成筒移
種知難活連根土易融閒來與僮約添水問花翁

得趙雲松前輩書寄懷四首

見書十倍於見面此語雖真奈老何
皇甫亭文曾許矣
歐陽詩話已成塵丹徒早抱西州慟
墨蹟空傳北海多
莫歎眼昏精力憊
老天留我兩瞢瞢

憶昔青雲附驥塵君方及第戶盈賓

時君初提學時已探花時晴齋

每招遊侍

齋爲汪文端公太老師故居其額尚存

聽雨樓同看劇頻

樓爲畢秋

帆前輩在京

樁樹醉歸三巷月綠楊斜對兩家春
癸闌

猶記房車過親報余登第二人

癸未禮闈適君分授開尚未至家即先過我

報余中第二故得捷音尤早至今尚感云

寄來兩部大文章
劄記陔餘並挈綱
早歲腹原充四庫

老年胸更展三長讀時似倩麻姑膝掩後偏愁沈約忘
我亦名山多著述未知石室付誰藏

袁趙姬唐白與劉蔣於長慶僅元侔時有程秀才創為拜袁揖趙哭蔣三

圖一生此論常偏袒萬口稱詩讓倚樓天下傳人應手

屈世間壽算又頭籌當年病熱君知否伏枕呼瓜一息

留昔不在京病熱幾不起有醫但令食瓜竟以此愈

聞我眉雷波等處賊梗不得我尉靜軒消息

攜弟曾遊大小我當年東道縣廳多匪獠乍似翻江海

健將誰當曳落河文士臨危能死節謂前令南詩人見

義應援戈他時欲作雙忠傳史筆吾知不讓他

西巖登翼泉亭

西巖怪石難名狀小者虎豹大兕象忽然兩翼生青雲
從人扶我非我上緬昔湯公建業宰此邦其時盜息民
敦龐每來西山挹爽氣凌風欲與亭飛淩當年好書癖
如我函海載歸壓江左至今官罷兒賣書也似吾家萬
卷火彼書雖斷兒尙存不似吾家兒盡奔每逢秉燭看
風色獨坐無人多淚痕龍鍾猶滯石巒巖總因老朽無
所依此臺何異瓜三摘忍令抱蔓空自歸

洗墨池贈文昌宮道官劉陽義詩四首

何處乘涼有好風旁人指點說城東紫薇一樹然如火

映得雲霞八面紅

不是仙居安有島原來活水積成池問誰洗墨無人議
莫認揚雄人到茲

點鐵成金聞有指說黃道白豈無心不知七七遵何術
頃刻花皆滴滴金

道家本與蓬萊近見爾微嫌尙作官我已拋官入修道
時人猶當翰林看

正印上人

路出東城卽亂山寺門高入翠微間是誰肩搭道友下
知是松陰正印還

和張廣文

萬選

原韻

向日葵移晚秋風梧落初十年蒼狗變萬事隙駒如有
子難妨老無兒不積書賢愚空在抱生死總皆虛此日
逢良吏何時返故居鄭虔曾見約特訪讀書廬

安縣大水 and 山長成

道華

謝函海韻兼呈陳明府

作珍

公六合舉人由梓潼署安令有廉名善除盜

安州四門水如海混茫日月無光彩十日霖霖雲如開
山形不改江形改渡船艤待水歸宗喚渡人幾無地容
坐令黃耳書不到浮沉恐遇長江龍父子骨肉天生定
不應江神呼不應況化鳴皋哺所生仇覽正署蒲亭令

波濤洶湧休相驚已聞鶉鴉呼晴聲縱使女媧天欠補
豈因織女河將傾總爲隨車雨不已青天常在雲端裏
自是先生讀書過雷雨不聞書亦震驚能百里

詩有此書可
謂前句故云

題張一齋小照

昨讀此公詩今展此公像詩筆松凈清人秀竹一樣蘭
桂堦下生菊花盆中放烏圓與人戲青衣以蝶向先生
亦茫然掩書悟萬象

和成夏圃逃兒詩

有子何論才不才不應捉謎與翁猜汝心莫教天知道
蠅蚋來時我自來

附原作

成道華

夏風

吟成七步信多才偶失明珠莫費猜
正似君詩常敏捷不須尋覓自然來

七月二十一日同成夏圃張一齋小飲文昌宮洗
墨池

此地最幽爽到來心便清
草花兼五色莎芻已千聲
巖晦泉常滴池深藤自橫
黑蛟蟠欲動白蝠老成精
結伴邀孤客聯吟愧兩生
酒休分淡濁詩莫鬪輸贏
驟雨遊魚落狂風瓦雀驚
暫求禪榻睡睡醒未天晴

附同作

安縣張萬選一齋

此地饒花木軒窓分外清誰開半塘水映得四山明
雨落魚沉藻風飄蝶入楹齒高文品貴詩敏笑談成
忽動挾天筆旋聞擲地聲秋薇紅一院烟柳綠齊城
醉後乾坤小狂來得失輕墨池有誰到從此屬先生
洗墨池係舊額前此未有人到竊以爲非先生不足當也

向成夏圃山長乞美人蕉

紅蕉羅列講堂中絳帳都疑似馬融不識綠天諸侍女
有誰願嫁白頭翁

蕉至則花謝矣再寄

果然綠萼下秋雲却卸紅粧着素裙知道相如病消渴

遠山懶畫卓文君

向張一齋廣文乞秋葵並和原韻

犬吠雞鳴小村落居然學署似農家不甘臺省諸公後
官冷偏栽向暖花

不愛穠妝似麗華愛他道服帶烟霞明年看赴瑤池宴
酒酌金杯箇箇斜

明年余七十

和余滙川見寄五七絕句四首原韻

鞠已有黃華蕉葵未到家如何詩四首不咏一些花
炙美甘成式尊空憶孔融最憐深店語兩個囁嚅翁
少年交盡越中朋萬壑千巖倡和曾君道半聲吾不信

不聳塊壘似邱陵

誰能洗盡滿胃塵晚得相知分外新我也諸侯老賓客
詩人半是幕中人

劉幕陔州尊屬作綿城碑記以虎邱仰蕝樓祖邱

花露十瓶爲潤筆奉謝

祖邱房聞袁子咏

小舍集有全得虎邱勝無如祖邱房之句

仰蕝樓見趙君

吟

既北集有遊虎邱用東坡韻咏仰蕝樓三首

東吳花露來西蜀萬里香開

直萬金

南遊頗負蜀詩翁名姓何曾遍浙東却笑雲松貪對偶

自誇懷杜仰蘇工

雲松偶檢杜少陵壯遊詩有東下姑蘇臺閣附邱臺荒等句謂子美也

遊此欲於卽燕樓畔
更築懷甘園以配之

喜陶先生開運至贈詩二首

我有華陽友聞來喜不勝終年只思卧一旦自能興竹
裏樓先上欄邊菊可凭兒童解留客自仗檢書能

果然君四海驚動四鄰來便有人相請還邀我作陪陶
潛如果飲李白也能杯天意知迎駕先推日色開

十一月初三日小萬卷樓成

朱昂小萬卷我老豈其人萬卷天收去幸猶留老身

嘆老

入壽雖百年一看一回老草生雖一年一看一回好草

能轉春色人不回春容一去少不來百病來相攻我願
人到老求天變作草但留宿根在嚴霜打不倒

章山詩集附卷上

綿州李調元甫村

蠡翁詞十

定西番

萬里沙漠誰至都說道有人來李陵臺
漢使昔年持
節雁回人不回聞道玉關此日塞梅開

長壽樂

聞謫伊犁作

無端掩袂記去年壽域宏開之際絃管聲中珠簾門內
負恃千嬌百媚又誰知今日離愁萬般牽繫空幾度遣
人投玳問筵總難憑怕對錦衾繡被聞人說此一去

章山詩集

附卷上

卷上

一

萬里邊城迢遞忙檢箱寄春衣未曾全檢先盈眸攬涕

風樓春

好事太匆匆纔共房櫳笑春風一朝離別去如鴻珠粉
墜雲鬆那得誤人年少日日守綉幃空雨聲中簾
霧溟濛倚闌斜望一雙蝴蝶趁花飛過牆東莫箇書通
生恨千里五花總慣馱郎去欺我鞋弓

好事近

荷色牡丹

箇箇小香囊誰做這般精緻想見嫩紅輕茜費盡春心
思牡丹雖喚不同開何況色香異却怕問他根底題
當歸名字

錦堂春

風動簾鉤響月雲籠寶鴨吞烟門外驂驂車至疑人到
堂前對鏡翠蛾再點啼珠紅蠟重燃相逢各訴相思
夢啼醒夢依然

定風波

寄內

日暖風和柳絮香一池春水浴鴛鴦誰遣狂風兼驟雨
波起陡教雙翼各分張一霎雲開塵似洗波止祇應
作主有東皇重整菱花當日鏡心定繡茵深處話淒涼

感皇恩

被赦放歸作

湖上載扁舟早決此意非爲浮家泛宅計蓑衣卧月任

我日高慵起問先生醒未茶烟細
潞河雖好風波無際不如歸來潺湲江裏花汀竹嶼繞艇無非香氣同心如
少友鷺鷥鷗替

滿庭芳

裊裊亭亭香車初卸移步上瑤堦洞房初見便聽別離
催真箇無緣會合背地裏含淚疑猜春歸也空幃凝望
腸斷日千迴乍狂風驟雨尋花已倦忽地抽回問桃
源洞口桃可先開早見猩紅滿地衣甃處露濕蒼苔還
相問難逢玉趾今後可常來

千秋歲

寄墨莊

春愁如海海讓愁來大波拍處心先碎任酒澆胃壘醒
後愁仍在何況又空瓶小市無人賣耿耿休言少
咄休書怪人世事多機械足恭吾不恥匿怨吾當戒回
頭笑今生總是前生債

後庭花

聽王四兒歌撲蝴蝶

日長金縷垂深院滿庭花片一雙蝴蝶南園見溜波偷
眄和身倒撲去輕羅扇腕露黃金釧纔得又飛情猶
戀一聲鶯轉

又

贈王四兒二首

當筵一曲如珠串面流香汗六么催唱重呼喚櫻桃微

縱滿堂賓欲散重開宴迢雲聲達旦歌舞教成炎涼
判回首雲漢

又

烟絲雖小同親春肯教人見且留待我書香案拭牋擎
親人問天上徧何曾見恁百長百短爭不教人心兒
戀雙眸雙腕

更漏子

春夜闌春雨歇柳外一鉤殘月春露墜春風斜曉鶯啼
落花春日媚苦思睡金鴨篆香紫穗春色老燕泥殘
燕還人未還

解連環

此身誰託嗟郵亭驛閣半途飄泊憶昨歲華宴繁吹乍
雲散雨收恁般寥落鸚鵡樓前燕泥污一牀絃索想春
將盡也遶砌應生手種紅藥 人生苦爲名縛看楊花
點點飛過牆角暗屈指驚換流年把拖紫紆青總待高
閣錦里花開定不少茶爐酒杓拚歸來看水看山全憑
草屨

昭君怨

畫裏宮人老盡未得翠華巡幸遠嫁出宮門是君恩
莫恨匈奴遠臨去留行未晚底事拍琵琶尚憶家

憶秦娥

邊城裏匆匆此去何時抵何時抵空教老了繁花細蕊
愁來怕把闌干倚馬蹄萬里猶不止幾多風沙幾多
烟水

江神子

落花飛絮又成團倚闌干晚粧殘錦字無憑再細把書
看節到清明人准到寒食過尚長安別時容易見時
難空誤妾一春閑生怕遠山添恨上眉端寄語歸來須
趁早梅結子半含酸

減字木蘭花

韶光去了杜宇聲中春悄悄一枕輕霞尚有紅粧不讓
花 蘭閣夜永獨背銀缸和淚凝繞夢還家又被窗前
閒鶯鴂

又爲含笑嬈作四首

小梅十二未解人前偷送媚含笑含羞却把珠簾下玉
鈎 靈犀一點惹得回身門半掩莫便輕狂不是陳家
小素娘

又

司空見慣偏是分司腸欲斷欲遣楊枝白傳情懷尚屬
伊 那堪巾帶瓜字含顰不禁剖玉杵無緣從此藍橋

路隔天

又

驟來濃雨滿地芳菲誰作主託與東風莫遣楊花入綺
襦蝶殘蜂去畢竟春光留不住捲盡餘花梁燕喃喃
也咒他

又

天邊遠戍海樣深恩難細述感荷情親煩將錦字寄良
人尚聞消息慙放歸來不須憶縱有明珠恨不相逢
未嫁初

謁金門

春雨細滿院梨花深閉黯黯簾櫳慵不起睡擁髭頰
已聽鶯聲學語又見燕來凝睇看看穿簾飛盡絮尚
無歸信通

又

風過處吹落一庭輕絮簾外歸來雙燕語又是黃昏雨
蜂驚蝶舞往往來來無數試問落花誰作主只流鶯
未去

菩薩蠻

紅爐暖閣笙簫沸隔屏影照饒春氣歌罷出門行長途
芳草生 夢裏時時戀何日重相見天曉有烏啼天涯

人未歸

又

京華一去無歸信
嬌兒向母牽衣問
問翁幾日回
欺他說便來
忽聞驄馬返
又過燕山遠
教送復教歸
迴車涕滿衣

塞翁吟

代內

聞塞翁此去邊上
雨雪霏霏正是燕
語鶯飛忍獨守空
閨縱有木蘭從軍
志恐被認出雄雌
只落得淚沾雙袖
檢寄征衣
非非縱靡盬不遑
自主也應念白髮
慈幃
況樂廣羸休文瘦
潘郎鬢不爲尊鱸
也合來歸倘能歸

夫願守春暉甘老柴扉

點絳脣

冷屋香銷日長簾幕光陰過夜來慵臥暗卜金錢課
針線慵拈却背燈兒坐情無奈待他歸來爛嚼紅絨唾

浣溪沙

滴滴花光潤欲酥迷迷草色淺成鋪一年好事在春初
樹聽鶉鳩呼婦侶巢看燕子試新雛薄情一去肯歸
無

又

斜掩金鋪日影移水晶簾子畫長垂春愁一半化遊絲

淺黛畫成楊柳妬細腮勻罷杏花吐獨立無人不語時

又

紅減雙腮翠蹙眉夜來春雨小樓知更無魂夢到空幃
玉步搖收攏髻懶金泥裙卸解腰遲人間無藥治相思

蝶戀花

夜雨空留花一半春腫遲遲喚醒梁間燕霞印枕痕留
玉臉眼波斜溜身猶倦猛聽書來愁已散泪迸書詞
更界胭脂面越替解心心越亂除非此刻真相見

釵頭鳳

春光真寒宵永小園驟雨聲聲猛東君惡無人託杏腮
啼紅新柳怨弱薄薄薄晨初起風猶勁一池魚藻天
如鏡花開落今非昨萬般皆命何厚何薄各各各

怨東風

鳳帳薰爐冷菱花羞對影魚書一去竟浮沉恨恨雨
夕風朝幾番春愁幾番春病 闌裏空多困簾前人語
靜待將心事倩賓鴻問問問無影無聲半天月朗半天
星耿

鷓鴣天

龍山詩集

附卷上 蘇翁同上

滿院春風鎖綠楊一雙嬌燕語雕梁纖纖玉笋拈花嫩
步步金蓮帖草香勻睡臉洗殘粧薛稷親寫寄檀郎
儂家春色深深閉不許狂蜂過短牆

酒泉子

花笑東風何事任他狂絮捲成團深柳處雨濛濛
纔見花開又花落洞房仍寂寞掩香闥垂翠箔月明中

南歌子

景最釵垂鏡瓊瓏玉捲簾鸚鵡伴涼蟾憶君君不至淚
痕添

生香子

生香子

君家在那邊
妾任清溪曲
一自送君歸
春水年年綠
上灘還下灘
目斷雙蛾蹙
畢竟幾時來
淚灑江邊竹

又

斜陽獨倚樓
一江風雨細
草色動清愁
黯黯生天際
鎮日悄無言
誰解人憔悴
惟有睡鴛鴦
知我憑闌意

南鄉子

估客樂

綠水漲平橋
橋下年年度
畫橈葉葉風
帆俱不是
無聊
早晚愁隨
早晚潮
潮水有時消
愁似潮來
刻不饒
寄語乘潮來
去客纖腰
不是當年舊
柳條

歸朝權

涿州春遊二首

入過桃園宜載酒盡道樓桑深處正杏花零落怨東風
十分春色今無九綠野明似看飛絮皆辭柳問紅樓
牧童遙指正是他家有何須撥撚曹綱手不用吟
呀樊素口但教滴破小槽紅澆愁一斗愁何有他鄉須
得友連鑣况復親和舊笑人生爲名爲利空把春辜負

百字令

路平沙軟正芳郊雨過綠陰初滿無奈東風吹落絮細
逐馬蹄輕捲牆外秋千橋邊碌碡又是誰家院垂楊枝
上一聲鶯地鶯囀且向野店青帘無心更去趁蜂狂
蝶戀宦海風塵知負了多少良宵歡宴兩鬢堆霜雙眸

籠霧忍使芳菲晚
遙村何處賣花聲裏人遠

清平樂

遠山頻皺乍覺纖腰瘦
怕見同心羅帶舊
猶繫別時紅豆
畫梁燕子呢喃聲聲爲報
春三乍聽初回塞北傳
聞又去江南

訴衷情

落花無主春已去
雨霏霏芳草濕風起
杏交飛滿院蝶
蜂稀依依玉門歸未歸
寄春衣

夢江南

千萬恨日暮望歸舟
無限波濤無限恨
幾回風雨幾回

童山詩集

卷上

春詞上

十

愁一鴈去汀洲

又

千萬恨垂柳復垂楊
長絆春風牽客恨
慣和煙雨斷人腸
無語倚斜陽

童山詩集附

綿州李調元雨村

蠡翁詞下

十六字令

清柳際秋蟬不斷聲無人聽又向別枝鳴

搗練子

風過處雨初收柳外烟汀蕩小舟一曲採蓮歸去晚夕
陽猶在水西樓

漁家傲

留別味深韞山

夢裏南柯休再述百年轉瞬如一日交盡黃金無典質

童山詩集

附卷下

蠡翁詞下

歸計必山中奴婢千頭橘 得失人間蟲唧唧龍邱訪
得還丹術若待向平婚嫁畢甚時節漁樵一見應遭詰

臨江仙

送岳梅渠之任山左叅軍做東坡體

管鮑只今君第一一言九鼎誰同人生真是馬牛風去
來都是走順逆總難逢 此去青齊烟九點大明綠樹
濛濛勸君一飲拚千鍾先生真醉也喚取密雲龍

又憶萬姬

雪是香腮雲是鬢香油輕點檀唇一回相見一回親無
言推刺繡有淚怕沾巾 記得蘭閨情定目楚宮柳樣
腰身爲他眉黛遠山春自應非蜀客不解愛文君

又

眼底韶光心底路天涯芳草凄然斷腸春色是今年清
明愁滿地風雨睡連天何日此身真我有峨眉看月
山巔不求成佛不求仙酒中消永日花裏樂餘年

行香子

送六弟九皋歸蜀

圓月當空歸興何濃拼今宵須倒千鍾煩君歸去傳語
山僮添屋邊桂塢邊竹澗邊松名利場中爭看匆匆
十年來勘破窮通從今歸去作箇漁翁釣一江月一江
雨一江風

眼兒嬌

一捻纖腰是柳揉無力織新愁秋波乍溜遠山半皺長
是低頭曉來底事開屏笑問者却含羞綠窻深處
蒲茵裏贏得頭籌

調笑令

送波聰兄歸蜀

君去君去正是垂楊飛絮那堪兩鬢風塵千里迢迢苦
辛辛苦苦辛苦屈指抵家端午分付分付說與東津漁
父茅廬結傍雲山塞上行人要還還要還要添個石磯
共釣

又

風攪風攪驚散沙邊鷓鴣波平一隻回飛一隻獨留未

歸歸未歸未應識人間風味
聽語聽語堂上倚門望
汝須知家本孤寒要把愁懷解寬寬解寬解書看五車
親買

西江月

時序疾於奔湍人情險過峯巔等閑打破利名關只在
黃梁枕畔不必君平善卜何須管輅如仙窮通只看
鄧通錢命定不由人算

又

懶把雲鬢重理羞將粉面輕勻不言不笑慣嗔人喜鵲
從來無信一曲檻絲垂金柳小窓絃閣銀箏閒聽小巷

馬嘶聲遣婢門前試問

如夢令

人去天南天北兩岸蘋花初拆春水滿塘生不見歸舟
消息空憶空憶飛起一雙鶺鴒

又

幾點海棠初吐粉蝶雙雙飛舞護取小猩紅莫教拂殘
鶯語記取記取又是一庭疎雨

又

記得寶鞍輕別恰是小春時節春去又清明尤白杏無
消息何日何日江上滿帆風疾

又

庭下丁香初結屈指半年離別最怕是黃昏一點孤燈
明滅嗚咽嗚咽窗外子歸啼月

又

陳華國陽予出京由務關追至涿州旅店話別

塞外行程將動百里故人趨送孤館話三更但道一聲
珍重誰共誰共惟有月明隨鞚

又

草草長亭鞍馬繫在綠楊橋下此地一分襟回首斜陽
高挂休怕休怕到處雲山如畫

一剪梅

三月十八日涿州作

春氣融和放柳綿花也嫣然鳥也翩然平郊一望草芊芊山也光鮮水也明鮮多病多愁已半年絕少人憐長得人憐無拘無碍樂天全詩裡神仙酒裏神仙

甘州子

夢回午枕畫簾前拈翠管寫銀牋惜紅詞就日痕偏換
袂艷陽天春漸暖團扇一番圓

又

踏青時節放風鳶繩斷也倩誰牽盼郎心逐半空懸何
日續膠豎春漸暖又近麥秋天

沁園春

新號蠡翁自贊

朱紫叢中富貴皆嘗此日休題便前頭各有風雲際會
何妨勇退甘老蓉溪新舍初成開尊行樂任我狂歌醉
似泥回頭笑這蠢翁真蠢覺路長迷此翁蠢更難齊
負骨氣何曾頭畧低有羊腸熊耳甘遭傾跌龍鱗鳳翼
極去攀躋山嶠蝸廬水村漁舍歸去應無別箇擠官休
做莫蠢將極處送去伊犁

摸魚兒

感懷

嘆平生向人肝膽他心難似他口雲雨翻覆思前事處
處老拳毒手蝸左右蠻觸鬪十年夢覺徒搔首此生大
謬算燕許文章范韓功業素志竟空負
潯江水難滌

次間積垢秋風開遍菱藕五十齊頭今衰矣只可驚朋
鷗友聽擊缶君不見紛紛鵲蚌爭何有漁翁在後問昔
日陶潛歸來爲甚非爲一杯酒

木蘭花

今年春事關心事月未圓時人未至閉門花落雨聲中
顛日昏昏只思睡曉來窓外有烏啼百鳥歸期恰應
時黃鶯久住成相識細把離情訴柳枝

滿江紅

癸卯四月初八日回通州作十首

笑問青銅誰使汝鬢添霜雪人住久驛亭春過幽禽調
舌刮地風猶連日橫中天月是何時缺望九重誰送

赦書來燈花結 兒女淚悲休咽昆弟勸言何切要田
禾親種園花親折不課成丁黃犢飲且求向丙嘉魚火
待鄰翁曝背話 君恩從頭說

又

去暴何嚴誰令爾如湯灌雪今始悔不如馮道但深藏
舌皸皸由來原易玷髡髡漫說終難缺笑從前談笑伏
兵戎深相結 非痴絕由忍咽非性直由心切奈天加
憐惜人偏磨折勲業站鳶愁墮水利名鬪鼠餘空穴想
當年炙手輒遭嗔低聲說

又

不合時宜嗤越犬從來吠雪曾五嶺兩經龍窟多遺跡
舌漫說可磨圭不玷難言已破甌無缺筭年來無計洗
煩愁腸千結三更淚寒泉咽千條計雲山切悔寧爲
柔廢何爲剛折墮烏顧巢頻認樹邱狐守舊唯思穴話
知心除是鶴鴿原同他說

又

少列金閨曾共忝梁園賦雪休再憶步趨螭首口啣鷄
舌丹筆已書安國背黑衣誰補舒祺缺對窓前仰看日
光移香烟結曾直把危言咽曾直把忠言切記當年
廷檻朱雲曾折魏博卽今悲鐵錯鴻臚自昔嗤金穴賴

何人乞得此身回真難說

又

非見青天誰便許沉寃一雪何必又巧言如鳥向春饒
舌蛇足添來翻是累兔唇補去終嫌缺算此生都是命
安排前因結離虎口翻悲咽思鳥道轉悽切笑顏真
難厚腰真難折杯酒易生蛇角影風波難信鱸魚穴笑
從今有話只三分逢人說

又

塞外荒寒今幸免陰山踏雪前數定著龜難信不須搖
舌冰到滿時當必覆月將圓處先妨缺待從今春過定

歸期黃梅結 花滿地鶯吟咽楊慘徑蟬鳴切看蕭敷
難好蘭摧甘折劍氣已離雷煥獄枕邊早夢盧生穴
生還須問紫芝翁聽渠說

又

負債如山誰教爾清如冰雪須信道千垣防耳厲
防舌毀豈能傷曾子孝過須學補周公缺欲澆愁消酒典
香衣衣鶉結 蠟食李由他咽鮓上竹非吾切要人情
嘗遍如肱三折只道橋平驢穩跨不妨堤壞螻穿穴笑
平生亦有范張交誰先說

又

江上策翁常勸我寒江釣雪從此去築廬高卧閉門藏
予只倩長繩將日繫何須煉石愁天缺問他時歸去作
何人爲元結春醲熟新槽咽春雨過提壺切要陶潛
巾漉林宗巾折天外翔鴻防下藪水中智獺居高穴問
行藏漁父最知幾休浪說

又

自笑耆年何苦學囊螢映雪今老矣硯田猶在只宜耕
舌文字不留他日謗殘書尚守當時缺望我眉萬點獨
山尖歸思結三月暮鵲聲咽三峽暗猿啼切想家園
垂柳行人都折鵲冠予唯貪著述鹿皮翁本甘巖穴待

回時讀盡各奇書同兒說

又

雖是安貧何便少烹茶掃雪如見問但隨張口教他看
古起舞原須鞭著早高歌漫把壺敲缺笑去年爲我寄
征衣憂思結鶯再囀笙簫咽鱸再膾鸞刀切幸前番
生別未成簪折天上何曾銀作漢人間尚有丹成穴問
謀生推醉只搖頭醒來說

賀新郎

懷歸

借得誰家屋更閑將舊時經史剪燈重讀忠孝原皆吾
儒事誤我子張千祿看古今人情翻覆日悔亡羊遲未

補又安知失馬非爲福燃灰事思爛熟將軍恩重難
書牘問何人賢如晏子解驂爲贖三徑蓬蒿荒也未歸
去雲龍山麓正故里隣翁酒漉得失鷄蟲何日了如
以爲未足今知足辭去隴只望蜀

又落鳳坡弔龐士元墓謁龍鳳祠

白馬原非馬是坡前將星應落箭鋒齊下猿鳥至今號
日暮澗水滿山哀瀉更苦雨松風瀟灑試問劉璋今何
在鹿頭關百戰空堆瓦三分事一蘭若綸巾羽扇雖
風雅想當年伏龍鳳雛共齊聲價魚水君臣千古契應
悔酒間閑話得益州君謀也盡道名成八陣少又豈

知三策功高寡爲此論是誰者

竹枝十首在廣東作

清溪深處種桃家

枝竹春後春前觀晚霞兒女洞口誰家紅

袖女

枝竹木蘭船繫木蘭花兒女

又

簪花籬外竹橫橋

枝竹日日溪邊蕩小橈兒女借問儂家住

何處

枝竹蝸墻低處認紅蕉兒女

又

荷花相映海南天

枝竹趁著鴛鴦夫採蓮兒女水上逢人沙

上女枝竹齊聲拍唱相夫憐

兒女

又

耳穿瑟瑟臉

如蓮

枝竹

翠袖紅粧

半在船

兒女

細嚼檳榔

頻

兩頰

枝竹

笑招行客

喫潮煙

兒女

又

水國偏饒蚌

與螺

枝竹

採真珠

處水風多

兒女

浪婆赤腳

歸

殘照

枝竹

障面

團荷共

踏歌

兒女

又

秋入南天暑木收

枝竹

桄榔葉

暗蓼花

兒女

家家結伴

收

紅豆

枝竹

未解

相思已

解羞

兒女

又

淘沙浪裏弄斜暉

竹枝

兩兩三三何處歸女孔雀自憐金

翠尾

竹枝

驚人猛起貼波飛兒

又

袖欽鮫綃窈窕

女

採香人曉但聞香女柳子內邊有

桂酒

竹枝

笑鋪葵席倩人嘗兒

又

白蘋香裏水

燕

開竹枝兩脚如霜水面來兒島上陰陰秋

色暮

竹枝

滿船載得蜺兒回女

又

風皺波紋動

畫

橈竹枝采菱藤籠競相遠兒時浦深處長

相見

竹枝

不在晨潮定夕潮

兒女

又

照水紅粧處處迷

竹枝

梅州無數鷓鴣啼

兒女

醉入花叢深

處宿

竹枝

行人腸斷是清溪

兒女

又

荔枝初結綠婆娑

竹枝

蠻戶人家笑語多

兒女

避暑信船輕

浪裏

竹枝

閒招女伴簇笙歌

兒女

又

朱蕉衫子綠羅衣

竹枝

載得羊城絕世姝
家在越王臺

下住

竹枝

畫眉京兆入時無

兒女

童山詩集

附卷下

壽翁詞下

壽翁詞下

士

又

弄珠沽舶與樓齊

竹枝

家在木棉西

更西

女行客候潮天

歡曙

竹枝

猩猩愁聽雨中啼

兒女

又

刺桐花落

又

花開

竹枝

屬意郎君來不來

兒女

暗裏故拋紅

豆去

竹枝

背人騎象却先回

兒女

又

瑤瑤堆盤刺荔枝

竹枝

琵琶一曲說相思

兒女

夜涼不用搖

葵扇

竹枝

只著輕衫一藕絲

兒女

臨江仙

三月初三日喜大兒朝礎

相過於溪

喜大兒朝礎

面帶紅塵衫帶淚疑從夢裏相逢不須信字亟開封平
安誰問竹荒廢尚非松來往雲山幾萬里衣經慈母
親縫從今歸去作山儂孫兒如犢健老子未龍鍾

浪淘沙

三月十八日移居吳宅紀夢

無意理絲桐人困東風窻前又見月朦朧夢裏渾忘身
作客只似家中幸有主人翁花滿簾櫳酒興不如歸
興濃雨已辭雲雲更遠回首千重

小重山

選得幽居聊避譁槐陰深碧處是誰家朱扉翠箔綠窻
沙人聲悄燈下按琵琶恨煞遶枝鴉不知心裏事苦

詞一
呀呀隔簾又見月痕斜魂銷也一曲後庭花

阮郎歸

鳳衾鸞枕似當初郎心恨不如去年猶有數行書今春
書亦疎眉倦畫髻慵梳愁懷不自書消愁有酒祇成
虛那堪和酒無

詞一
蘇州府志中記所見

雙鬟覆額小小楚腰裙衩窄只在牆邊望繡桃花洞口
泉喚人俄間翩若驚鴻終不近底事風狂爲見喬家
小窈娘

菩薩蠻

天晴四野烟光媚
兩行柳色濃陰翠
麥浪不多翻
趁人蜂尚喧
野翁溪上住
繞舍桃花樹
疑有武林春
更無人問津

水調歌頭

送陳韞山在永定河道之任

無笑白圭治
天子重河防
驚聞九重舞鳳下
詔簡賢良
百里潞河風快
千里渾河浪湧
喜氣共洋洋
賈讓疏宜上
平當策尤長
昨陳來
今李去
後先望黃鵠
白鷗
吾正歸興動
家鄉一處朝朝相聚
兩處悠悠相憶
兒女況成行
勲業看廊廟
踪跡隔滄浪

水龍吟

夾計歸山

男兒奮翅騰驤封侯萬里平生意一朝歛縮功名家興
付之流水匣裏龍泉枕中鴻寶總歸拋廢看擁書萬卷
酒經茶傳閑來讀無窮味 杜甫草堂深處想浣花風
流未墜榿林籠竹直須縛個茅廬傍寺岸浦晴烟鷄坊
晚雨足供詩思倘逢李八百相期汗漫話烟霞事

西河 乙巳三月二十九日贈沈老

蕉窓外朦朧一聲啼鳥何人搗棹欸吾門隔墻沈老酒
闌多慨聽清談慙慙留語真好 問君去何太矯歲寒
漸看生春草平陂往覆理當然何爲苦惱請看巧宦勢
薰天羸飢何似肥飽 田園歸計直須早在家縱貧亦

云好世路閒人多矣看南來北去何時方了去也我眉
天人表